

De subiecto Theologiae Propheticae.

P R A E C E P T A.

Subiectum Theologiae Propheticae est triplex; videlicet informationis, tractationis, & operationis.

Subiectum informationis est antistes Ecclesiae: in quo requiruntur bona partim naturalia, videlicet bonitas ingenij, memoria & vocis, item sana & recta corporis constitutio: partim acquisita, puta doctrina, integritas vitae, eloquentia, fortitudo spiritualis & auctoritas temperata humanitate.

Subiectum tractationis est modus edificandi Ecclesiam.

Subiectum operationis totale est Ecclesiae cœtus integer, partiale est quilibet auditor.

R E G V L A E.

I. Dona, quæ requiruntur in antistite Ecclesiae, sunt alia naturalia, alia acquisita.

Dona naturalia rursus sunt animi, vel corporis. In animo requiritur bonitas ingenij & fidelitas memoriae. In corpore requiritur vocis concinnitas, & sana rectaque corporis constitutio, quæ non parum auctoritatis conciliat Ecclesiae. Dona acquisita sunt quinque potissimum: videlicet doctrina, eaque partim Theologica, partim Philosophica; integritas vitae, morumque sanctitas; eloquentia, fortitudo spiritualis, & auctoritas. De quibus sic habet plenius. Principio ut in omnibus studijs ars præsupponit aliquid naturæ: ita etiam in hoc augustissimo & difficillimo munere aliquid naturæ præexigitur. Nam si v.g. destituaris voce bona, vel omni memoria, fieri non potest ut populum Dei recte pascas. Oportet itaque ut futurus Ecclesiastes habeat dona naturæ, si non excellenter, saltem mediocriter. Deinde dona acquisita pro tribus animæ facultatibus, nempe intellectiva, concupiscibili & irascibili sic habent. In facultate intellectiva, quam Græci vocant τὸ λογικόν, requiruntur hæc tria; sapientia, prudentia & eloquentia. Primo sapientia requiritur eaque duplex: vna diuina & cœlestis altera humana & terrena. Sapientia diuina & cœlestis est recta & solida intelligentia & scientia rerum diuinarum in sacris literis patefactarum: quæ comparatur ardenti prece, frequenti scripturæ lectione & meditatione, diligenti denique præceptorum Theologorum cognitione & exercitatione. Sapientia humana & terrena est posita in linguarum, præsertim cardinalium, & totius propemodum philosophiæ frugali cognitione. Deinde requiritur prudentia Theologica seu spiritualis, id est, no-

Quæ requi-
rantur in an-
tistite Eccle-
siæ